

29.04.2020

Anára gielda ohcá

PROŠEAKTABARGI (12 MP) SÁMI GIELLASTRATEGIIJA OLLAŠUHTTIMII

Bargun lea ovddidit sámevuovllu buot gielddaid easka ráhkaduvvon oktasaš sámi giellastrategiija doaibmabidjoevttohusaid Anára gieldda oasil. Doaibmabijut gusket buot Anára gieldda sámegielaide; anárašgiella, davvisámegiella ja nuortalašgiella. Doaibmabijuide gullet ee. ovddidit sámegielat dieđiheami, sámegielat bálvalusaid ja sámegielat bargiid doaibmaneavttuid. Barggus galgá ovttasbargat intensiivvalaččat buot doaibmasurggiid ovdaolbmuiquin ja sámegielat bargiiguin ollašuhttin dihte mihttomeriid praktihka dásis. Doaibmabijuid ovddideamis ráhkaduvvo Anára gieldda doaibmamálla /loahpparaporta. Barggu sáhtá bargat muhtun oassái gáiddusin.

Gelbbolašvuodagaibádussan lea bargui heivvolaš allaskuvladutkkus. Bargu eaktuda dan, ahte bargi dovda bures sámegiella ja -kultuvrra ja prošeaktabargama. Sámegiella njálmmálaš ja čálalaš máhttu gehččojuvvojit rekryteremis ovdun. Bargis gáibiduvvojit vuodjinkoarta ja iežas biilla geavahanvejolašvuotta bargomátkkiin.

Bargogaskavuoda eavttut mearrašuvvet KVTS mielde. Ollislašbálká lea 3000 euro mánuš. Doaimmas lea 4 mánotbaji geahččalanáigi.

Ohcamušat oahppo- ja bargoduodaštusaidisguin doaimmahuvvojit 27.7.2020 dmu 15:00 rádjái Kuntarekry bokte <https://www.kuntarekry.fi/>.

Lassediedut:

Anne-Marie Kalla

Kommunikašuvdna- ja oktasašdoaibmahoavda

anne-marie.kalla@inari.fi

tlf. 040 7230697

